

Pɔɔri wàri dùi pátíri Kirisi kɔbe bèè bo Efɛsi Di mpátíri tɔ tùi náàntì

Pɔɔri do bo wàri di mpátíri kè bè ò kpetí Odommu nwe. O pátíri náàntì yuu tú: Kuyie nwɛnné kɛ́nkè kperɛ nè kɛtenkè kperɛ kè Kirisi dè baké.

O pátíri miɛke ò keté ke benke ti wɛ mmèè botí nku nè Kirisi, ke benke Kuyie nti yumè kè ti bo ntú ku kɔbe, ke benke kù ti deɛtémè nè ti yei nè ku Bire Yesu Kirisi borè nè kù ti cànnemè nè Muyaánsààmù.

Médérímè ke náá nti dò nkéntaunè mèè botí Kirisi. Nè medonnimè mɛpéu miɛke kòò benke ke tú Kirisi kɔbe tǐnnì dònne onìtì kó tikòntì nti, kè Kirisi tu diyuu, ke benke ke tú Kirisi kɔbe tǐnnì dò nteɛtètè kè Yesu tu dipũ. Kè bè wète ke donnè onitipòkù kè Kirisi tu o dɔ̀.

Di mpátíri náàntì duó ke dòmme

1. Kirisi nè o kɔbe tǐnnì 1-3
2. Mufòmmu mupàmmù nè Kirisi 4-6

Pɔɔri dɔummè Efɛsi kɔbe

¹ Mí mPɔɔri Kuyie ntãáté wè, kè n tú Yesu Kirisi kó ditǔnnì, m̀i di wàri dipátíri díndi Kirisi kɔbe bèè bo Efɛsi ke taunnè Yesu.

² Tì cice Kuyie nnè tì Yìè nYesu Kirisi bè di dɔ̀ mɛsàà ke di duó ndiwèi.

Nè Kirisi kpéi nke Kuyie nti dòmme mɛsàà

3 Ti sǎntímu Kuyie nti Yiè nYesu Kirisi cice, wèè ti dǎò kɛ́nkè kó mesàà mmebotí mebotí, ti taunnè mɛ̀è kpéí nYesu Kirisi.

4 Nè Kirisi kpéí nke Kuyie nti tǎátémè kè mu nýí dǎò kutenkù, kè ti bo nwenni páíí kè dè kù naati kù ti dǎò mɛ̀è kpéí.

5 Nè Yesu kpéí nke Kuyie nti dómè ke mɛ̀ tǎáté nè dimònni, ke ti dǎò ku bí, kuù mɛ̀ dǎò ke mɛ̀ dǎò.

6 Kè ti sǎntí Kuyie nkù ti kuó mmèè kpéí mmesémmè mediè, nti taunnè mɛ̀è kpéí nku Birɛ kù dǎò dè mesàà.

7 Kuyie nti donténè wèè kó meyíí nke ti cǐé nti yei nku sàà ndeu mɛ̀è kpéí,

8 kè kù ti duó mmeciì nnè meyíétímè mediè.

9 Kù ti benke dèè do sǎri dènde, kù do tǎátémè nè dimònni nè Yesu Kirisi kpéí nke bo mɛ̀ dǎò.

10 Kù do dǎò kè de mònni tùòke kùu wɛ̀nné denennè demou ndi, kɛ́nkè kperɛ nè ketenkè kperɛ kè Kirisi ndè baké.

11 Nè Yesu kpéí nke kù ti tǎátémè ke ti cǎ́nné. Kù do me ndó nè dimònni, kù ò nkè kù tǎáté ti kù ti ndǎò.

12 Kù dǎò tinti bèè tá Kirisi nè dimònni ti nkù sǎntímu kù de mɛ̀è kpéí.

13 Díndi múnke di kèè diì mònni timómmònti, Tináaansààti ke tá Kirisi kòo di deeté, de mònni ndi Kuyie ndi cànnemè ke di duó Muyaáansààmù kù do yè nkù yóo di duó mmù.

14 Muù ti benkú ti yóo tiekemè mesàà nKuyie mbaanèmè ku kòbe, muù ti náá nti yóo tiekemè de kó mesàà nkù bo ti deeté diì yiè páíí, ti nkù sǎntí kù de mɛ̀è kpéí.

Pɔ̀ori bàámmè Kuyie nhEfɛsi kòbe kpéí

15 N kèèmu di tá mèè botí Yesu, nè di dó mèè botí di kɔbe tɔbè.

16 Dèè kpéí nte kè n yí yóu m bo nsántímè Kuyie ndi kpéí, ke denniní di kpéí m báámmu miéke sáã.

17 Kè dè bo yie nkè Kuyie nti Yiè nYesu Kirisi cice di duó mmeciì kè di banté Yesu, kényíéte ò dòò dè di kpéí.

18 N kù bàámmu ke tú kù di duó mmeciì nkè di banté kù di yu mùù kpéí, kù bàanè dè bèè tu ku kɔbe,

19 kébanté muwɛrímú diemù kù ti duó mmù tínti bèè tá Kirisi mù deυ ke mamè.

20 Nè muù wɛrímú mmu Kuyie nduómmè kè Kirisi yànté, kè kù ò kànnε ku borè kéĩnkè dikàri sàari, ku bakù yóu.

21 Kòò baké muwɛrímú yembè, nè ketenkè yembè nè kéĩnkè kɔbe, dèè kó dimàà bo bàmbà, di mmònnì nè dèè kpaaní, Kirisi weè dè baké.

22 Kuyie nwe n duó ndemou, weè tu Kirisi kɔbe t̄rè yemou kó diyuu,

23 diì tú o kòntì ò bo diì miéke, ke bo kutenkù kumou.

2

Ti do kumè ke yànté

1 Di yei nnè di caàrìmè deè do te kè di ntú bèè ku Kuyie nkó mufòmmu bíékè.

2 Di do fòù kutenkù kuù nkɔbe kōmε mme, ke yíé nku kóo kpààti wèè bo ketenkè nè kéĩnkè de cuokè o kpɛti, wèè baké bèè kó dimàà yetε Kuyie nkɛti.

3 Ti múnke do be ntú, ke dɔ̀ri ti kòntì nè ti yèmmè dó dè, nè de kpéí nkè Kuyie mmieke ñdò nkédo ti ñnkè kè doti mèè botí betɔbè ñnkè.

4 Kuyie nsémmè né me ndeumè kè kù ti dɔke mediè.

5 Ti yei nnè ti caàrìmè deè do te kè ti ntú bèè ku Kuyie nkó mufòmmu bíékè kè Kuyie nti dòò mesàà nke ti duó mmufòmmu nè Kirisi ti kó mewēnnímè, ku sàà mmè te kè kù ti coo.

6 Kè ti wēnnénè Yesu Kirisi ke fòu, ke wē nke kari keĩnkè ku borè.

7 Kuyie ndòò memme ke bo benke kù ti dòò mèè sàà ndeu mè mme, ke yó mbo sáà kù mè nti dòò nè Yesu Kirisi borè nde.

8 Kuù di dòò mesàà nke di deeté di tá mèè kpéi Yesu, dè í tú nè di mómmɔmbe kó muwērímú, Kuyie nkó dipānni ndi.

9 Òmòù bá nsántí omáà, kòo yèmmè dò nhò dòò dèmarè kè deè te kè kù ò deeté.

10 Kuyie nkuù ti dòò, nè Yesu Kirisi ti kó metaummè mièke nke kù ti dòòmè, kè ti bo ndɔori mutōmmú sààmù kù tūntemu nè dimònni kè ti bo mmù dòòri.

Yesu temè kè Sifube nè bèè í tú Sifube kè bè wēnné onìti omáà

11 Dentenèní di do tú bè nè dimònni, di do í tū nKuyie, nkè Sifube di yu ke tú bèè í cāmmù, ke tú bemáà bèè cāmmù, de kó mucāmmù né do í tú mùmamù.

12 Dentenèní di do í tímè Kirisi kɔbe, di do tú bepòòbè mbe, di do í wēnè Kuyie nkɔbe, di do í mɔke di baa dè, di do í tū nKuyie.

13 Di do í tókénè Kuyie, di mmònni ke kù tóònnè, Yesu Kirisi duó mmèè kpéi nhomáà kè bè ò kù.

14 Kòò kùò meníímmè mèè do dò nkuduotí ke yaàti Sifube nè bèè í tú Sifube, kè bè narike ke wēnné onìti omáà.

15 Ke pàa nSifube kó ikuó yɛ mbè nci dè nè ì yɛ mbè ndɔ̀ri dè, ke wɛnné ibotí ìdé, ì do kpa nkè ì naá nkubotí kumáà, ke narike.

16 Bè ò kùamu kòò dèite meníimmè de kó ibotí ìdé do m̀ke m̀, ke ì taunnè Kuyie, nkè ì naá nhoniti omáà.

17 Ò pĩ mmuù tómmú ke nàké Tináansààti, diwèi kpeti, díndi bèè í tú Sifube ke détirinè Kuyie, nnè Sifube bèè do kù t̀kénè.

18 Tim̀ou Sifube nè bèè í tú Sifube, Kirisi weè ti niité Kuyie mborè nè Muyaánsààmù kó meteèmmè.

19 Di ténke í tú bɛp̀òb̀è, yoo dihei mari k̀be, di tú Kuyie nkó dihei k̀be m̀be, ku c̀f̀ètè k̀be.

20 Yesu Kirisi weè tu dipũũ, o t̀rè nè Kuyie mpããnáànti náambè kè bè yãã nkè di s̀ké.

21 Kirisi weè te kè t̀ kpeñni, ke kótírí, ke naá Kuyie nc̀f̀ètè sààtè.

22 Nè Yesu kpéi di tú t̀c̀f̀ètè nte Kuyie mbo t̀ nè Muyaánsààmù.

3

P̀ori nàkémè bèè í tú Sifube Kuyie nnáànti

1 Mí mP̀ori Yesu Kirisi kóo t̀nti, bè n kpetí n nàké m̀è kpéi nke díndi bèè í tú Sifube Kuyie nnáànti.

2 Di ỳemu Kuyie nni nkuómmè mesémmè ke n d̀ò mesà ke ỳ n nàké Tináansààti, díndi bèè í tú Sifube.

3 T̀ do s̀ri Kuyie nti nni mbenke, kè n ỳtè ku kó dis̀ri kpeti, m m̀ mbo ke ti nwãũní.

4 Kè di tí k̀a ndi bo banté Kuyie nni mbenkemè Kirisi kpeti t̀ do s̀ri.

5 Kù do í benke de kó dis̀ri kpeti dim̀nni k̀be, kù m̀ nti benkemè di mm̀nni Yesu t̀rè nè

Kuyie mpāānāaṅtì náam̀bè nè Muyaánsààm̀ù kó muwɛ́rím̀ú.

⁶ Dɛ kó dis̀r̀ì tu: Sifubɛ nè bèè í tú Sifubɛ bè wɛ́nném̀è onìtì omáà, kɛ yóó di tikpàtì, kù yɛ nkù yóó duó ntì bèè yie nYesu Kirisi kó Tináaṅsààtì.

⁷ Kù duó nkè n nàá ntì, kù n d̀òò mesàà mmɛ kɛ n duó ndɛ kó mutõmm̀ú kɛ benkù nè n tõmm̀ú miɛkɛ ku wɛ́rím̀ú deum̀è.

⁸ Bá nè m mɛ ntum̀è Kirisi kɔbɛ bɛm̀əu kó bɛsám̀p̀óbè kóo sám̀p̀óù, kè kù duó nkè m bo náké Tináaṅsààtì bèè í tú Sifubɛ, Kirisi kpàtì deum̀è kɛ í m̀əkɛ kumà̀nku,

⁹ kɛ bè benke Kuyie nkó dis̀r̀ì kpɛti, kunku kùù d̀òò dɛm̀əu kùù mè d́ò nè dim̀ənnì,

¹⁰ kɛ d́ò bèè baké kɛ́nkè nè bɛ kó bɛkperíbèɛ yà Kirisi kɔbɛ t́nnì, kébanté Kuyie ncii ndeum̀è mèdiè kɛ í m̀əkɛ kumà̀nku.

¹¹ Kuyie nd̀òò kù dóm̀è mmɛ nè dim̀ənnì ti Yiè nYesu Kirisi kpéí.

¹² Di mm̀ənnì ti bo na ké kù t̀ónnè kɛ bá nyíèkù, ti tá mèè kpéí nYesu, koò taunnè.

¹³ N di náámmu kɛ tú di k̀əntì báá yārikɛ, bá kè n f́ɛ̀ŭrì, n f́ɛ̀ŭrì d̀íi kpéí nkè dè bo di d̀òò mesàà.

Kirisi ti d́ò mèè botí

¹⁴ Dɛ̀è kpéí nte kè n nínkù n núù ti cice Kuyie nyìkè.

¹⁵ Kunku kùù te kè kɛ́nkè kɔbɛ nè ketenkè kɔbɛ kè bè bo.

¹⁶ N kù bàámmu kɛ tú kù di duó nku kpàtì dietì, kè Muyaánsààm̀ù di kpénk̀unne,

¹⁷ kè Kirisi mbo di miɛkɛ, kè di nfííkù tei tei, Kuyie nkó mèdók̀um̀è miɛkɛ,

18 kɛwɛnnɛnɛ Kirisi kɔbe tɔbɛ kɛbantɛ Kirisi ti dɔ kɛ dɛ dɛu mɛɛ botí ke okù mɛɛ botí ke cǔmpúrì mɛɛ botí bá ke í mɔke kumàнку,

19 kɛyíɛtɛ Kirisi ti dómɛ kɛ dɛ pɛɛtɛ ti yíɛtímɛ, kɛpɛtɛ Kuyie nkperɛ demɔu.

20 Ti sántímu Kuyie nkùù wɛrímú diemù bo ti miɛke, ke bo na kédɔɔ kɛ dɛɛ pɛɛtɛ ti kù mɔù dɛ nè ti toti tì ti yèmmɛ.

21 Ku yètìrì ndɛu Yesu Kirisi kɔbe cuokɛ sáà Kirisi pǐ mmùù tǔmmú kpéí. Kɛ dɛ mmɛ ndò.

4

Kirisi kɔbe wɛ mmɛ botí

1 N di náámmu, mí mPɔɔri bè kpetí wɛ Yesu kpéí, nke tú di ñdò nKuyie ndi yu ke dɔ di ndòmmɛ,

2 kékùnnɛ dimáà kényɔɔ, kɛmmi, kéndó ditɔbɛ, kɛntɛɛnnɛ ditɔbɛ.

3 Yetenko kɛ Muyaánsààmù di tau, kɛ di mmɔke Kuyie nkó diwèi.

4 Ti mɔke Muyaánsààmù mumáà ndi, ke dò nhonìtì omáà, ke baa dɛmarɛ máà, Kuyie nti yu dɛɛ kpéí.

5 Ti Yiɛ mbo omáà ndi, kɛ ti tǔ nkuce kumáà, kɛ bàtɛmmù bo omáà.

6 Kuyie mbo kumáà ndi, timɔu ti cice wɛɛ baké demɔu, ke ti pǐnnɛ mutǔmmú timɔu, ke bo timɔu ti miɛke.

7 Kuyie nti pǎmu bá wɛ dipǎnnì kɛ Kirisi yɛ nti toti bá wɛ ò dɔ mɛ.

8 Ti wàrimu ke tú: Ò wɛtɛ ke deètì dǐ mǎnnì kɛínkɛ ke neinɛ becírìbɛ kó yewɛrɛ yɛɛ do kpetí, ke pǎ benìtìbɛ yepǎrɛ.

9 Ba ntú ò wète ke deèti? Dè benkú ke tú ò keté ke cùtému ke ta ketenkè miékoo deçũmpure.

10 Wèè cùténí, weè wète ke dèke, ke bo keĩnkè ke píéké tipítì timou.

11 Weè duó nkè bèmabè tu o tǒrè, kè betòbè tú Kuyie mpããnáàntì náam̀bè, kè betòbè tu bèè náante Tináaansààtì, kè betòbè tu bèè ni Kirisi kòbe tǐrè, kè betòbè tu bèè tiè nKuyie nnáàntì.

12 Ò bè duó nde kó mutǒmmú kè bè bo tũnte o kòbe mbe, kè bèe na ke pĩ nKuyie ntǒmmú, kè Kirisi kòbe tǐnni dìi tu Kirisi kǒnti kè dìi deuke.

13 Kè ti nwē ntimou ti kéré kùu ce, ke kótírí kékpenke, kénáá mpáí Kirisi dǒmmè.

14 Ke bá ndǒnnè ibí ìi mu nyí ciì, ke tũ mbeniticiimbè bèè tiè nyiyáábísítíé ke ì ti tou kuyaakù tǒumè tifǒkpèti.

15 Ti dò nkénnáá ntimómmǒnti nti, kéndó titòbè, memme ti bo nkótírímè kuwedǒunce miéke, ke naánnè Kirisi wèè tu diyuu.

16 Kirisi weè te kòo kòbe bemou wē nke dò nhonitì omáà nè itùòti, ke kpeñni, bá kùu tùòti kè kù pĩ nku tǒmmú kù dò nkémpĩ mmù, kè tikǒnti timou kòtírí, ke kpénkú Kuyie nkó medókùmè miéke.

Meborime pàmmè dò kéndòmmè

17 Ntenè n dó ké di náké tì, nè ti Yiè nkó diyètìrì, di bá ntũ mbèè í báá nKuyie mbe kó meborime, bè tũ mmèè yèmmè tú detetìrè kǒme mme.

18 Bè toti dibiiñni kó iyentotí nyi, bè í yé Kuyie nduò mmùù fòmmu, bè í banté mèè kpéí nkè be to kpeñni.

19 Bè ténke í baàtì meyei nnè mesàà ke dɔ̀ori dèè í wenni ke í diè ntikpàtì, ke dɔ̀ori desĩntékpere demou botí nè meyei mmemou be yèmmè dómè ke í yĩ̀èkù.

20 Díndi bè í me ndi benke Kirisi kè di ò yĩ̀tè.

21 Díndi biè bè di tiémmu o kpeti kè di yĩ̀tè o kó timómmonti, dèè tu:

22 Di bo yóumè meborime kótímè di do tũ mmè, di do m̀ake medókùmè yeime mme kè mè di sou nke di fètinko.

23 Yóunè kè di yèmmèe ceete nè di yeñtotí,

24 kè di naá mbenitipambè Kuyie ndòò bè ke dònneñ kumáà, kè di borime wenke kè di ntũ ntimómmonti.

25 Di yóu siyáàbìsì, kénnáá nditòbè timómmonti ke yé ti tùmè Yesu kònti kó itùòti nyi.

26 Kè di mièke peike di báá yóu kè kèe ɔ̀te ke di cé mmeyei, di báá yie nkè diyie ta kè kè kraá péi.

27 Di báá pã dibòò kuce.

28 Wèè do yuuku wèe yóu muyóò ke pĩ mmutómmú kémɔ̀te o kpere kèpã becĩribè.

29 Di bá nnáá ntinányeiti, kè di pètè mefiè nnáánnè tìi bo teennè betòbè kè bèe kpenke Kuyie nkó kuce mièke, tìi bo teennè bá wè ò bo dii fètirì.

30 Di bá ncaari Muyaánsààmù yèmmè, muù tu mecannimè Kuyie nti càñne mè, muù te kè ti yé ke dò nKuyie nyóó ti deetè páíi diyie sanni.

31 Bá mpoonnè ditòbè, bá nníinnè ditòbè, di mièke bá mpèi ditòbè, di bá mm̀ake yekpàrè, di bá nsĩnkunko ditòbè yètè, di bá ndɔ̀ori meyei.

32 Ndɔ̀orinè ditòbè mesàà, nke ndó ditòbè, ke ncĩñko ditòbè Kuyie nti cĩè mmèè botí nè Kirisi kpéi.

5

Ti bo nyémè Kuyie ndó dè

¹ Ntūnne Kuyie nkó meborime, ke yé di túmè ku bí nyi, kù dǒ ì.

² Ndónè ditabè Kirisi ti dǒ mǝ̀ botí ke duó nhomáà kè bè ò kùò kòò dǒ ndipǎnnì kufǝ̀ku natikù kpɛri Kuyie ndó dǐ.

³ Di tú Kuyie nkǝbe mbe, di bá ndouti dǔutinè ditabè di bá nsĩnkùnkò dimáà, di bá duó ndi yèmmè tikpàti. Dè keté ke í dǒ mbè nyo de kó tináaǎntì di cuokè.

⁴ Di bá nnáante ifei kpɛti nè tiyèinnáaǎntì nè tináanyeiti, dè í wenni. Petinke nsǎntínè Kuyie nku sàà nkpréi.

⁵ Nyénè ke dǒ nwèè dǔuti dǔutinè betabè nè wèè sĩnkùnkò omáà, nè wèè í diè ntikpàti, dè í cáǎnnè wèè feu yebókè. De yiè mbotí í tati Kirisi nè Kuyie mbe kpààtiyuu mièke.

⁶ Di báá yie nkòò mǔ̀ di souté nè detetirè kó tináaǎnti: Dè te kè Kuyie mmieke cóú bèè yete ku kpɛti.

⁷ Di bá mmǝkenè de kó benitibè botí metaummè mamè.

⁸ Di do tú dibiiñni kǝbe mbe di mmònni ke taunnè ti Yiè ke tú kuwenniku kǝbe. Nfòùnè ke dǒ mmenáà nkó ibí.

⁹ Kuwenniku kó mutǝmmú tú: Tiniti, mewetimmè, nè timómmǝnti.

¹⁰ Mbaàtinè ti Yiè ndó dè.

¹¹ Di bá nkǝké dibiiñni kǝbe kó mutǝmmú mièke, mù tú mutetimù mmu, di petinke mmù dáammu mmu.

¹² A bo nákéme bè dǒ̀ri dè disò̀ri dè mǝke ifei nyi.

13 Dε kó mutāmmú yènní dìi m̀nnnì kuwenniku miεke, kuwenniku ã̃ mù feimmu.

14 Móm̃muα nwe bè d̀nnnéní d̀è kuwenniku d̀è ã̃ wenkemu. Tì w̃rimu ke tú:

Ente,

f̃̃ nwèè duó bεcírìbè miεke!

Kè Kirisi da mííté.

15 Ndakεnè mεsàà di fòu m̀èè botí. Di báá ndò tiyèìntì, ntúnè mεcìi nyembè.

16 Bá nfétinkonè di fiè, ti bo yem̀rè yeyie nyε.

17 Di bá ndò ntiyèìntì, yetenko ḱyííté Kuyie ndó d̀è.

18 Di bá mmuò m̃m̃naà, mè di tanǹnko m̃yeyi m̃miεke nke. Yóunè k̀ Muyaánsààmù di píε.

19 K̀ di nw̃ nke yáúk̀nko dit̀b̀è k̀nt̀i, k̀ndiè nKuyie nkó yεs̃ã, nnè ku kó iyie, ke diè Muyaánsààmù di duó nyìi yie, k̀ns̃ántí Kuyie nnè di ỳmm̀è m̃m̃ou,

20 ns̃ántínè ti cice Kuyie d̃m̃ou kpéi ns̃ãà nè ti Yiè nYesu Kirisi kó diyètìrì.

Onìtì nè o pokù bè dò k̀entaum̀è

21 Nyíènnè dit̀b̀è k̀peti, di dé m̀èè kpéi nKirisi.

22 Benitipòbè nyíènnè di daab̀è k̀peti, di yie mm̀èè botí ti Yiè nkpeti.

23 Ke ỳ onitid̀ù wèè bakém̀è o pokù Kirisi baké m̀èè botí o k̀b̀ε t̃nǹi dìi tú o k̀nt̀i ke dì d̃εrì.

24 D̀ε te k̀ benitipòbè dò nk̀nyíé m̃b̀ε daab̀è k̀peti tim̃ou, Kirisi k̀b̀ε t̃nǹi yíε mm̀èè botí Kirisi k̀peti.

25 Bá wèè nitid̀ù k̀o ndó o pokù Kirisi d́ m̀èè botí o k̀b̀ε t̃nǹi ke ku di kpéi,

26 ke dì òúté nè m̃eniε nnè Kuyie nnáànt̀i.

27 Ò dòò mɛmmɛ kɛ dɔ̀ dì ntú o kperi ndi kénwenni, kénkpa kuyènkù, kénkpa meyḗḗ, kénkpa meyi mmeməu, kéndò mpáíí kɛ í mməke bè bo dì sei ntì ìnkè.

28 Mɛ̀ botí nku bá wèè nitidòù dò nkéndómè o pokù ò dɔ̀ mɛ̀ botí omáà. Wèè dɔ̀ o pokù ò dɔ̀ omáà ndi.

29 Òmòù ḗḗ í mpóò nhomáà, ò ḗ nyárímu omáà, kɛ piú omáà. Kirisi mɛ ndəəri o kəbe tǐnnì.

30 Kɛ yé ti túmè o kǎntì kó itùòti nyi.

31 Tì wàrimu kɛ tú: Onìti bo yóu o cice nè o yḗ kétaunnè o pokù, kè bèe naá ntikǎntì timáà.

32 Ti nnáàntì tú disəri dierì kpɛti nti, tì tú Kirisi nwe nè o kəbe tǐnnì,

33 kɛ múnke tú di kpɛti. Bá wèè nitidòù wè ndó o pokù ò dɔ̀ mɛ̀ botí omáà, kòo nitipòkù ndé o dɔ̀.

6

Ibí nè i yembè kó tináàntì

1 Díndi ibí nyíennè di yembè kpɛti. Kuyie mɛ ndó.

2 Ndé a cice nè a yḗ. Kuyie ndóu nyì kuó kɛ béi nke tú:

3 Kè dèe yie nkè dè nda naati, kàa fòmму okè kɛtenkè ìnkè.

4 Díndi ibí yembè, di bá mpéíkunko ibí miɛke, ntiennè i kɛ ì tūnni ti Yìè ndó mɛ̀ botí.

Tidaati nè ti yembè bɛ kó tináàntì

5 Díndi tidaati, nyíennè bèè di te die nketenkè ìnkè bɛ kpɛti, ké mbè dé mediè, kempí mbe tǎmmú nè meyèmmè memáà, kéndò ndi pǐ nKirisi kǎmu.

⁶ Di ní bá mpĩ mmutõmmú bè bo dìi mǎnnì mǎà kè dè bo bè narikε, dǎǎnè dimǎà Kirisi kó tidaatì, kè mmù pĩ nnè di yèmmè memǎu Kuyie ndómè.

⁷ Di mpĩ mbε tõmmú ke dò ndi pĩ nti Yiè nkõmu, dè bá ndò ndi pĩ mbenitibè kõmu.

⁸ Nyénè ke dò nkàa tú kudaakù yoo a í kù tu, Kuyie nyóó yietí bá wè ò dǎò mèè sǎà nkó tiyeti nti.

⁹ Kè díndi tidaatì yembè di nti pĩ mmesàà ndi bá nti péinko, nyénè ke dò nwèè di te dimǎu ò bo kèĩnkè nke, o borè òmǎu í cǎǎ.

Kirisi kabε dò nkémmøke tii kpàrinenti

¹⁰ Tisǎnti tú di bo ntaunnèmè Yesu kékpenke, kérépé o wérímú diemù.

¹¹ Báátínè Kuyie nkparinenti timǎu ke cómmú tei tei, kébaao dibǎò kó mesoümmè.

¹² Ti í kpannè benitibè, ti kpannè yebøkè nyε, yèè bo muyáá mmieke, yèè kpeńni, bebǎokpǎatibè bèè te dibiińni kó kutenkù.

¹³ Nè de kpéi, túóténè Kuyie nkó tikparinenti timǎu, kè diyie yeiri tũðkení di na ke kra nkè di kra nke dèè, di nkpaá yé kénwǎké.

¹⁴ Nyinè timómmǎnti di ka fenaakõnfè kõme, kénkǎnké mewetimmè di cĩncĩrè dimátiyǎbòri kõme.

¹⁵ Ānnénè tikõnyauti tineùti kõme, ke náké Tináansǎatì tii duò mmeom̃pùmè.

¹⁶ Ntǎnè metákùmè kè mè ndò nkudǎpikù sǎǎ kùu yó nte kè di na kékuo dibǎò kó ipie nyii cǎú.

¹⁷ Túóténè medeetímè kédǎò dipii, kétúóté Muyaánsǎàmù kó disie dìi tú Kuyie náǎnti.

18 Muyaánsààmù ndi bonè kè di mbáá nKuyie nsáà, di nkù báá nyibáamì iməu botí ke kù sàútínè. Mbáánnè ku Kirisi kəbe bəməu kpéí.

19 Ké nkù báá n kpéí, kè dɛɛ yie nkè nh ààte n nùù nni nnáá nTináansààtì tì do səri ke í yĩ̀kù, tì tu Kuyie ndɛɛrí bɛ̀è í tú Sifubɛ.

20 Mbáánnè ku, kè kù n teennè kè n na kénnáá Tináansààtì, bá nè bè me nni nkpetímè.

Mucaummu

21 N tǝnko ti népo sàù Tisiki, ti Yiè nkóo tǝntì sààwè, kòo bo di náké de ndòm̀mè mme,

22 ké di náké tì kó dimàà bo ti ciɛ, kényáúk̀unne di kǝntì.

23 Ti cice Kuyie nnè Yesu Kirisi bè di duó mmeoǹp̀m̀m̀è, nè medók̀m̀m̀è nè meták̀m̀m̀è.

24 Mesàà nni mbonè díndi bɛ̀è kó dimàà dó ti Yiè nYesu Kirisi ke fíí kú teii.

Bibiri Kuyie Nnààntì Pátírì **The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 18 Apr 2025 from source files dated 31 Aug 2023

5e2d0f12-f1d8-567b-bf98-cf1de4599d16